

## ԳԼՈՒԽ ԺԵ.

### ԲԱԳՈՒԻ ՀԵՐՈՍԱՄԱՐՏԸ \*)

Հայաստանի Հանրապետության նախապատմութիւնը վերջացնելու համար անհրաժեշտ է կանգ առնել և Բազուի դէպքերի վրա, որոնք թէև Հայաստանի հետ անմիջական աւրնչութեան մէջ չէին գտնուում, բայց ահադին նշանակութիւն ունեցան նրա ճակատագրի համար. առանց Բազուի Հայաստանի դէպքերը կարող էին բոլորովին այլ ընթացք ստանալ:

Թիֆլիսի Հ. Ազգ. Խորհրդի օրինակով, 1917թ. վերջերը, Բազուում էլ կազմուեց Ազգային Խորհուրդ, որի մէջ մտան Աբր. Գիւլիանդանեան, Վարդան, Կ. Պարունակեան (դաշնակցականներ), Լևոն Աթաբէգեան (սոց.—յեղ.), Նար. Տէր-Ղազարեան (ս.—դ.), Հայկ Տէր-Միքայէլեան և Ս. Տէր Ղազարեան (ժողովրդականներ): Առաջին նիստում, դեկտ. 30-ին, նախագահ ընտրուեց Ա. Գիւլիանդանեանը, փոխ-նախագահ՝ Լ. Աթաբէգեանը: Ազգ. Խորհրդին, ձայնի իրաւունքով, մասնակցում էին նաև Ռոստոմը, Յ. Քաջազնունին և բժ. Իսախանեանը: Ազգ. Խորհուրդը գործադիր մարմին էր, որ ենթարկուում էր Ազգ. ժողովին՝ բաղկացած կուսակցութիւնների 32 ներկայացուցիչներից: Յետագային, Անդրկասպեան երկիրը մէկնած Կ. Պարունակեանի տեղ անցաւ Ս. Արարատեանը, իսկ Լ. Աթաբէգեանին փոխարինեց Յ. Տէր-Օհանեանը և, իբրև փոխ-նախագահ, յաջորդեց Ն. Տէր-Ղազարեանը: Լ. Աթաբէգեանը Ազգ. Խորհրդի աշխատանքներին շարունակեց մասնակցել որպէս հրաւիրւած անդամ: Արեւտահայերի կողմից Ազգ. Խորհրդի նիստերին, փոփոխակի, ներկայ էին լինում Ռ. Քաջբերունին և Զ. Եսայեանը: 1918թ. սեպտեմբերին Ազգ. Խորհրդի մէջ մտան և առաջնորդ Բազրատ եպ.—ը, Ստ. Թաղիանոսեանը, Աս. Վաչեանը և Աբր. Գաստակեանը:

Ազգային Խորհուրդներ ունէին և Բազուի միւս ժողովուրդները — մահմեդականները, ռուսները, վրացիները և այլն, որոնք բոլորն էլ, սկզբի շրջանում, կատարում էին սահմանափակ դեր. իրական իշխանութիւնը պետական հիմնարկութիւնների և բանւորական խորհրդի մէջ էր, ուր տիրող ոյժը սոցիալիստ-յեղափոխականներն էին:

\*) Այս գլուխը կազմելիս օգուելի եմ Աբր. Գիւլիանդանեանի «Բազուի Հերոսամարտը» փաստերով ու վաւերագրերով հարուստ աշխատութիւնից, որը, դժբախտաբար, դեռ մնում է չհրատարակւած: Այժի առաջ եմ ունեցել և գոր. Գ. Ղորղանեանի ծանօթ գիրքը, ինչպէս նաև մի շարք անտիպ նիւթեր ու վաւերագրեր: